

遼東三家集

辽东三家集

一函 四册

北京市中国书店出版

北京市新华书店发行

定价：三十元

隅夢草堂詩草卷四

蕭姬廟

戊子

輕舟壓水水一線浪捲船頭船似箭海潮有信日日来
天風無信時時轉天風南來水南流我舟南下逆相見
左支右吾無一能似入九里十面戰長年頓足仰呼天
轉楫落帆且偃岸估客咸太息我意殊覺便前行得古
廟驚定意轉眩地非巫女祠神似洛妃舊不讀契丹書
那識蕭姬面庭宇荒涼少賽巫時有農夫歲時薦緣牆
纖草碧垂絲繞砌落花紅作片神前一揖三致辭津非
妒女莫相難須臾風定波浪平船去如雲水如電順流

南下喜可知日落猶傳營口膳

戊子秋試由營口泛火輪船至煙台由煙台至天

津感作

浩浩長風破浪開縱橫鯨窟亦雄哉九州地向東南盡
兩戒山從西北來仙島舊聞低處是義輪新自落邊回
琉球對馬尋常所搔首誰為跨海才

烏蟾出沒不曾停海國雄風自古腥萬載巨靈蟠北幹
九州山脉鎖東溟天從地底迴輪上水在人間一勺溍
誰使冠裳化鱗介蛟宮鼃闕歲頻經

庚午癸酉兩至京師嗣不復入秋闈者十五年矣

戊子入都風景大易過東郊民巷愴然感懷因
成此作

古皇闢天地元氣厚以純一自建君國日有剝削痕義
娥移軌馭躔度差星辰豈獨革人物且將更鬼神口腹
搜生命嗜欲淆乾坤邪說大亂本淫巧竒禍根利窟透
地軸萬孔千瘡存竅鑿混沌死吾聞莊叟云

過巨流河有感

戊子

是歲七月初旬淫雨為災奉省自省治以南十
數縣同時大水渾河漲溢由省城東萬泉河濫
入漂沒城外商民數千家大東小東大南小南

大西小西六關皆被災而二南尤甚蓋從古未有之變也

殘夢醒鈴馱勞人自苦歌陰雲埋驛路大雪固長河民穴陵原窟龍留陸地波哀鴻全在野冬暖祝天和

傳聞道路口方寸久怵怵災祲皆天意龍蛇敢陸行我家遠河曲半月數郵程應念長途客遙憐太瘦生

回首都門路言將半月程衣藏征驛土馬懼凍河聲鱷渡橫攻邑

新民屯廳治西有柳河溝相傳一鰍魚為患消漲不時往往嚴冬積雪時冰裂水漲漫渙

輒二三十里或朝發夕消或一二日猶漲其渡口每歲無定或一時數徙居民行旅胥受其害蛟流曲

抱城

巨流河城在遼河西岸上

曾聞松相議治水欲無爭

松文清公守盛京時

曾步履遼河及柳河溝之源建議柳河源出塞外一山
下游入砂磧之中水無所歸故時時為患議於遼外決
大渠橫修一壩束柳水入遼河而於遼河兩岸南北築
大隄南至三岔河口照依永定河功可歲無水患老成
遠見惜未能行

己丑六月廿三日秋試西行兄伯韓公季弟季清
送余登程後去陪都三十里回望省城大雨感

作

都門回首射斜暉墨暈昏昏大合圍奮地雄雷催雨響

截雲雌霓貫城飛闕河一線迎頭遠

自京都至山海關至陪都處處皆立

電線竿真一線穿成也

車馬三人告腹饑遙想聯床宵話者幾回

流涕念征轡

開夢草堂詩草卷四
渡巨流河遇雨宿新民屯擬謁

先聖廟不果

己丑
秋試

新民治向無學校友人劉東葛等始請學額立
學校友人王紫垣山左人善風水為卜地建

先聖宮牆馬是日旅宿頗早雨晴後擬晉謁以
事不果

長年苦索渡河錢旅客祈安費祭川受享靈龜神倚廟
長征老馬性知船濤聲送客沙迷路雲氣吞城雨滿天
先聖宮牆何處是風流文彩說時賢

余四次秋試五過孤竹

庚午戊子以舟
往故不過孤竹

未敢題詩

也已丑恩科報罷驅車東歸蓋六過孤竹矣日
未暮渡灤河愴然有思感而賦此

自從叩馬事訛真夢語紛爭枉誤人讓國祇緣身有父
為民只為世無君何曾怨語歌虞夏豈有閒情護紂辛
孔孟遺言千古在問誰編集削遷文

擬唐人從軍行 二首

西京馳羽檄壯士遠從征雲擁三軍氣風團萬馬聲妖
星旗掃地暈月珥圍城勝敗君恩重能成將帥名
詔選良家子威弧討不庭雲中守飛將天上落妖星戈
壁沙流白金山草立青向南看北斗此地幾人經

田家曲

精肉充盤角豆長搵鹽瓜菜嫩生香撐腸一飽摩臍笑
今日纔完下甸荒

連宵搓就火繩蒿着火薰煙亦自豪薰殺蚊蟲容放脚
倒頭一覺日輪高

春郊晴眺

庚寅歲課徒作

四野綠雲饒幽行破寂寥柳風圍燕絮桃漲長魚苗大
造無私育芳春祝久要長安花看徧駿馬不容驕
屐杖村邊路行吟踏踏歌愛苗農意樂擇樹鳥聲和芳
草碧如玉遙山綠欲波五絃能解慍長養在南訛

野竟綠如此春風工寫真川原迷遠目楊柳倚吟身南
國有芳草東都多麗人襄平橋畔路十丈起香塵
一雨連朝爽春容盡不成平原誰試馬芳樹有啼鶯遠
草綠依水亂山青到城閒尋生物理王道在由庚

春柳

庚寅課徒擬作

憐爾非花樹繁華夢不醒水猶依岸綠煙獨鎖橋青羌
管新成曲離人未忍聽況堪長短緒鶯鴈苦調停
濯濯相思處余情若為歌風流渡江早春色倚樓多繫
馬牽離恨啼鶯結暖窩興亡誰久閱此意問靈和
記得春歸處光陰在柳條螺痕欣乍覩鶯語可憐嬌新

水纔侵岸遊人盡過橋莫參萍絮理因果不相饒

大雨後聞太資河水漲驚作

庚寅七月

萬山約束豈能平出險奔騰怒作爭

河源於遼陽東山曲折數百里至城

東三十餘里始出山外

浪挾蛟龍遙浸野

奉省向無蛟患近十數年來屢患之

人愁

魚鼈近攻城

戊子歲奉省大水被冲者十餘州縣太資河水大發破大東門而入聲如萬牛怒吼

浸沒半城父老相言二百餘年從來未有之變也

十年生聚籌時策

戊子大水後民間蓄

積蕩然一空

千里瘡痍痛後驚

余時館於城東十五里東京

陵下

福陵舊

葬處也地倚山下頗稱高阜戊子大水一村在巨浸之中今聞水至居民各有驚惶色

天意難知

三日往杞人心事不堪明

塞草

庚寅課徒擬作

黑水黃沙外茫茫野草蕃漢唐爭戰地霜雪古今痕
聖世疆戎索邊氓化成屯夜深見燐火何代將官魂
忽聞歌敕勒千里暮雲黃古磧埋人血胡兒飽酪漿驚
風起鷹隼落日走牛羊弔古來青冢難尋去後香
莽莽前無際平沙幕晚煙千秋游牧地六月燠寒天谷
暗牛羊走風高廉豕眠漢家飛將在飲羽奪祁連
終古無青色征人喚奈何雲迷戈壁海路斷甕金河春
暖豐貂鼠秋高走駱駝前朝遺斷鏃磨洗血痕多

縱橫三萬里地盡十盟邊

塞外古稱游牧行國種廬穹帳逐水草而居漢之匈奴有

左右賢王左居東接濊貊右居西接氐羌而單于庭直代雲中後漢以來一變為南北單于再變為東西胡三

變為柔然為東西奚四變為東西突厥五變為內外回
 紇宋時東為契丹為女真起東北為色目即元太祖今
 內外蒙古之祖也起西北今則為內外蒙古內蒙古六
 盟東四盟西二盟外蒙古四盟有青海厄魯特蒙古賀
 蘭厄魯特蒙古賀蘭為漢之西北地武威張扼三郡西
 北境唐吐蕃宋西夏明為套夷青海即蒙古之西戎一變
 為吐谷渾再變為吐蕃三變為厄魯特蒙古由此而西
 天山北為準部天山南為回部在漢為西域為西南夷
 再南則為藏
 衛之地云
 盛典地在張家獨石二口外東西三百餘里南北二百
 餘里周千有餘里即元之上都遼金中京上京之地仲
 秋後虞人效鹿鳴以致鹿曰哨鹿國語謂之木蘭因以
 為圍場之名獵時上親征以師兵為營衛凡內外
 各扎薩克悉率左右分班扈獵天子御玉弧止齊
 步代三驅田禽盛典也其地旁薄雄奧物產博大山川
 迴環真天設
 講武地歟
 噶爾丹
 一卒可得二三十井又有郁爾草最宜馬駝之食又尊

軍芻豐郁爾庖蕈產腥羶

親征準噶爾汗

野菌也俗名蘑菇磨字字書無之菇即蕨菇王瓜也不
知世俗何以名此產口外者佳曰口磨緣蒙古行廬外
澆灑洗煮羊牛腥羶之湯
故產此輩他處無有也
四海為家日春風滿塞天

九日同胞兄伯韓作

庚寅

愛此嘉名陟彼岡弟兄攜手話家常眼前最好三秋景
無奈新添兩髻霜

望遼城有感兼和兄作

庚寅

弟兄聯步上高岡絮語無倫任短長四十六年成世代
百千萬族大排場煙凝木葉環村紫風捲河沙繞郭黃
莫問當年華表事且看金橘鑄秋光

強同人世逐塵埃滿目秋光四望開危石肖人依樹坐

亂山如馬渡河來謝公哀樂隨年異蘇老詩篇共弟裁
此日偕行欣且健他生攜手總難猜

望遼城作示權兒

西風瑟瑟起天涯叢菊凌寒尚有花遠樹黏雲浮鴈鶩
長河繞郭走龍蛇鼪鼪爭穴名王墓牛馬登場野老家
欲詠豐年稱瑞事可憐螟螣損桑麻

又

落日照城頭明霞似水流萬家煙火事千古廢興愁雄
鎮山河拱名王墓隴修東丹無片瓦空憶讀書樓

夕照滿山岡西風射竿觴黃花與紅葉併起助秋光詩

語兒猶解浮生歲太忙
漸看吾老矣此酒幾同嘗

又望遼城作示權兒

風雲莽莽一城秋
海北遼東控上游
車馬爭門忙似蟻
牛羊散野靜於鷗
開天古有三千界
盡地人思十二州
弔古難尋經畧迹
可憐傳送九邊頭

用權兒句意足成之

人影暖秋暉
登高上翠微
穿雲孤鴈沒
種樹老僧歸
日月無停軌
陰陽大合圍
動中思靜理
方寸有生機

權兒年十二不解詩
因與伯兄登高偕之同往命

以詩得起二語余甚喜為足成之